
ЎРТА МАХСУС, КАСБ-ҲУНАР ТАЪЛИМИ МУАССАСАЛАРИДА “ЖАҲОЛАТГА ҚАРШИ МАЪРИФАТ” ШИОРИ ОСТИДА ТАДБИРЛАР ЎТКАЗИЛМОҚДА

Фарғона вилоятида ёшлар ўртасида ижтимоий-маънавий муҳитни янада соғломлаштириш, миллатлараро тотувлик ва диний бағрикенглик руҳида тарбиялаш, она Ватанга муҳаббат ва юртга садоқат туйғуларини мустаҳкамлаш мақсадида ўрта махсус, касб-ҳунар таълими муассасаларидаги ўқувчилар иштирокида “Жаҳолатга қарши маърифат” шиори остида тадбирлар ўтказилмоқда.

Шундай тадбирлар Фарғона давлат университети академик лицейи, Тошкент ахборот технологиялари университетининг Фарғона филиали академик лицейи, Фарғона имконияти чекланган шахслар учун ихтисослаштирилган касб-ҳунар мактаби ҳамда Бағдод, Қува, Қўштепа, Олтиариқ туманларидаги касб-ҳунар мактабларида ўтказилди.

Тадбирлар аввалида фотоқўргазма ташкил қилиниб, унда экстремизм ва терроризм, гиёҳвандлик ва бошқа салбий иллатларнинг оқибатлари, ёшлар тарбияси, илм олиш, миллатлараро тотувлик ва диний бағрикенгликни тарғиб қилувчи лавҳалар ўрин олган.

Шунингдек, тадбирларда малакали имом-хатиблар томонидан Ислом дини тинчлик дини эканлиги, тинчлик-осойишталик улуғ неъмат эканлиги ҳақида ва бошқа маърузачилар томонидан илм олиш, ота-онани ҳурмат қилиш, Ватанни севиш ҳамда жаҳолатга қарши фақат маърифат билан курашиш мумкинлиги ҳақида маърузалар қилинди.

Тадбирлар вилоят ҳокимлиги, Дин ишлари бўйича қўмитанинг вилоят бошқармаси, Маънавият ва маърифат маркази вилоят бўлими, Касбий таълимни ривожлантириш ва мувофиқлаштириш бошқармаси ҳамкорлигида ўтказилмоқда.

Бизни ижтимоий тармоқларда кузатинг [Facebook](#), [Telegram](#), [Facebook](#), [YouTube](#), [Instagram](#)

2022-11-24 17:52:04